



Broj: 08-06/2-14-2-3771-5 /15

Dana: 11.08.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača - "ANTILOP" d.o.o. Žepče, za "Nabavka zimskih cipela"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-3771-4/15 od 10.08.2015.godine, i ugovor za "Nabavku zimskih cipela" dodjeljuje se ponuđaču "ANTILOP" d.o.o. Žepče sa ponudom broj: 08-06/2-14-2-4070/15-DA od 06.08.2015.godine, za ponuđenu cijenu u iznosu od 67.632,00 KM bez PDV-a.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti *originale ili ovjerene kopije* niže navedene dokumentacije, koja ne može biti starija od *3 (tri) mjeseca*, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- Izjavu o ukupnom prometu ponuđača, i kada je to primjereno, o prometu u segmentu poslovanja koji je predmet ugovora, za posljednje 2 (dvije) finansijske godine (2013. i 2014.g.) za koje se raspolaze podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od 2 (dvije) godine

- Spisak izvršenih ugovora (najmanje 2) iz oblasti prodaje cipela, koji su izvršeni tokom posljednje dvije godine (2013. i 2014.g.), ili od datuma registracije odnosno početka poslovanja ako je ponuđač registrovan odnosno počeo sa radom prije manje od 2 godine. Uz spisak izvršenih ugovora ponuđač je dužan dostaviti potvrde o uspješno izvršenim ugovorima koju daje druga ugovorna strana o njihovoj realizaciji; Potvrda o uredno izvršenim ugovorima mora sadržavati: naziv i sjedište ugovornih strana ili privrednih subjekata; predmet ugovora (isporuka cipela); vrijednost ugovora; vrijeme i mjesto izvršenja ugovora, navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima (isporuka cipela), uz predočavanje dokaza o učinjenim pokušajima da se takve potvrde osiguraju.

- aktivan dokaz o registraciji u profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost. Ako se dokaz o registraciji ne izdaje u državi sjedišta privrednog društva, privredno društvo može dostaviti Izjavu s ovjerom potpisa kod nadležnog

organa.

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-3771/15 od 16.07.2015.godine.

Javna nabavka provedena je putem otvorenog postupka nabavke.

Procijenjena vrijednost nabavke je: 68.376,00 KM bez PDV-a.

Obavještenje o nabavci broj: 488-1-1-44-3-27/15, poslano je na objavu dana 16.07.2015.g., čiji je sažetak objavljen dana 20.07.2015.godine u "Sl. glasniku BiH", broj 57/15.

Komisija za javnu nabavku imenovana je rješenjem broj: 08-06/2-14-2-3771-2/15 od 16.07.2015. godine.

Komisija za javnu nabavku sačinila je Zapisnik o zaprimanju ponuda, Zapisnik sa otvaranja ponuda broj: 08-06/2-14-2-3771-3 /15 od 06.08.2015.godine, i Zapisnik o ocjeni ponuda broj: 08-06/2-14-2-3771-4/15 od 10.08.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to ponuđači: "ANTILOP" d.o.o. Žepče i "KOTEKS" d.o.o. Tešanj.

Komisija je utvrdila da kvalifikacione kriterije ne ispunjava ponuđač KOTEKS D.O.O TEŠANJ, iz razloga što nije dostavio aneks V, tj. izjavu ponuđača o namjeri podugovaranja, a koji je obavezan prilog tenderske dokumentacije opisane na stranici red. broj 16, a sadržan na stranici broj 28. tenderske dokumentacije. Pored toga, dostavljeni uzorci ovog ponuđača nisu u skladu sa tačkom 13.3 i aneksom II tenderske dokumentacije koji sadrži detaljan opis obuće kako slijedi:

a) obuća za policijske službenike

- na dostavljenom uzorku ovog ponuđača sistem vezivanja je sa četiri para hakni, jedan par bloker kuka i dva para običnih kuka, a tenderskom dokumentacijom u detaljnom opisu ove obuće na strani broj 21 tenderske dokumentacije traženo je da sistem vezivanja bude uz pomoć četiri para crnih nehrđajućih hakni i jedan par crnih nehrđajućih ringli.

b) obuća za policijske službenike - pripadnike Jedinice za sprečavanje narušavanja JRM - a u većem obimu

- na dostavljenom uzorku ovog ponuđača sistem vezivanja je sa četiri para hakni i tri para običnih kuka, a tenderskom dokumentacijom u detaljnom opisu ove obuće na strani broj 23 tenderske dokumentacije traženo je da sistem vezivanja bude uz pomoć tri para crnih nehrđajućih ringli i tri para crnih nehrđajućih kukica. Također, nedostatak je i što uzorak ovog ponuđača za ovu vrstu obuće sadrži i rajfešlus, iako to tenderskom dokumentacijom nije traženo.

c) obuća za policijske službenike - pripadnike Specijalne policijske jedinice

- na dostavljenom uzorku ovog ponuđača sistem vezivanja je sa tri para hakni i četiri para kukica koje su sive boje, a tenderskom dokumentacijom u detaljnom opisu ove obuće na strani broj 24 tenderske dokumentacije traženo je da sistem vezivanja bude uz pomoć osam pari crnih nehrđajućih ringli. Također, na dostavljenom uzorku je ugrađeno platno (Gorotex) u šarice na dva dijela, a tenderskom dokumentacijom je traženo da se šarice kroje od prirodne hidrofobirane goveđe nape, što je isti slučaj i sa kragnom i harmonika jezikom.

Pored navedenog, atesti ovog ponuđača o kontroli gotovog proizvoda ne potvrđuju da su uzorci u skladu sa zahjevima traženim ovom tenderskom dokumentacijom, obzirom da su izdati u 2014. godini, te se ne odnose na ovaj ugovorni organ, a sve navedeno propisano je u tački 13.3 tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "ekonomski najpovoljnija ponuda".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom tenderskom dokumentacijom.

Slijedom navedenog, ponuđač "ANTILOP" d.o.o. Žepče odabran je na osnovu ponuđene cijene u iznosu od 67.632,00KM bez PDV-a.

PРАВNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Hajrudin Žilić